

# Guru ambil cuti buru sarjana muda bidang seni



**GURU KEMBALI JADI PELAJAR:**  
Cik Nur Halimah Jasni mengambil cuti tiga tahun daripada mengajar untuk kembali menjadi pelajar demi memburu impiannya melanjutkan pengajian ke universiti.

CIK Nur Halimah Jasni sudah lama memendam hasrat melanjutkan pengajian ke universiti dalam bidang seni yang beliau minati.

Setelah menunda rancangan itu buat beberapa tahun, beliau akhirnya bergelar pelajar semula Ogos lalu bagi memburu ijazah sarjana muda di Maktab Seni Lasalle.

Pada masa sama, guru seni di sebuah sekolah menengah itu turut mengambil cuti pembangunan profesional bagi tempoh sepanjang pengajian tiga tahunnya itu.

Keputusan tersebut diambilnya walaupun beberapa rakannya mempersoalkan rancangannya itu.

“Mereka tanya mengapa saya mahu melanjutkan pengajian sekarang? Mereka kata ‘kan saya sudah stabil sebagai guru. Tapi bagi saya, rancangan melanjutkan pengajian ke peringkat ijazah sudah lama ada dalam fikiran saya. Saya mahu mempunyai ilmu lebih mendalam dalam perkara yang saya minati iaitu seni. Saya melakukan ini untuk diri saya sendiri,” kata Cik Halimah, 30 tahun, yang meminati seni sejak remaja.

Beliau, seorang guru selama enam tahun, menerangkan yang kejayaan baginya tidak terkait dengan pekerjaan, tetapi lebih kepada memberi makna kepada apa yang beliau lakukan.

“Bagi saya, pekerjaan saya tidak mentakrifkan kejayaan yang saya cari. Kerja adalah sesuatu yang saya mahu lakukan kerana saya sukakan pekerjaan itu dan saya suka berinteraksi dengan anak muda. Kejayaan bagi saya ialah memberi makna kepada apa yang saya lakukan. Ini bermaksud, jika saya suka mengajar, saya menjadi guru. Jika saya suka seni, saya mengajar mata pelajaran seni,” katanya yang turut berkata kejayaan bermakna mempunyai kesihatan mental yang positif.

Cik Halimah, yang belum berumah tangga, buat masa ini mempunyai Diploma dalam Rekaan Grafik dari Akademi Seni Halus Nanyang (Nafa) dan Diploma dalam Pengajaran Seni dari Institut Pendidikan Nasional (NIE).

“Kejayaan bagi saya ialah memberi makna kepada apa yang saya lakukan. Ini bermaksud, jika saya suka mengajar, saya menjadi guru. Jika saya suka seni, saya mengajar mata pelajaran seni.”

– Cik Nur Halimah Jasni, mempunyai Diploma dalam Rekaan Grafik dari Nafa dan Diploma dalam Pengajaran Seni dari NIE.

Pengajian ijazah sarjana muda dalam seni halus yang sedang diikutinya sepenuh masa kini dijangka selesai pada Ogos 2024.

Beliau, yang meminati kedua-dua seni halus dalam bentuk arca, dan juga seni digital, ke kampus hampir setiap hari bagi mengikuti kuliah dan kelas dari 10 pagi yang ada kala berterusan hingga lima petang.

Beliau kemudian akan melakukan pembelajaran sendirian hingga enam petang atau tujuh malam.

Cik Halimah, yang merancang kembali mengajar setelah tamat pengajian kelak, berharap ilmu yang diraih daripada pengajian lanjutnya itu dapat memberi manfaat kepada orang di sekelilingnya seperti pelajar dan orang lain yang minat melukis.

“Saya dapati pandemik ini telah meningkatkan lagi keinginan saya untuk melanjutkan pengajian, dan membuat saya fikir, jika bukan sekarang, bila lagi? Saya hanya mahu belajar dan meningkatkan diri saya serta membangunkan kemahiran yang saya ada,” katanya.

Source: Berita Harian © SPH Media Limited.

30 January 2022, Page 7

Permission required for reproduction

### **Teacher takes leave to pursue bachelor of arts degree**

*Ms Nur Halimah Jasni takes a three-year leave from teaching to return to being a student in order to pursue her dream of furthering her studies at university.*

Ms Nur Halimah Jasni has long harboured the desire to continue her studies at university in her preferred field of art.

After postponing her plan for several years, she finally became a student again last August to pursue a bachelor's degree at LASALLE College of the Arts.

At the same time, the art teacher at a secondary school also took professional development leave for the duration of her three-year studies.

She took the decision even though some of her friends had questioned her plan.

"They asked why I wanted to continue my studies now. They said 'I'm stable as a teacher'. But for me, furthering my studies to obtain a degree has long been on my mind. I want to develop a deeper knowledge in the subject I am interested in, which is art. I do this for myself," says Ms Halimah, 30, who has been interested in art since her adolescence.

A teacher for six years, she explained that success for her was not related to work but more to give meaning to what she was already doing.

"For me, my job does not define the success I seek. Work is something I want to do because I love the job and I love interacting with young people. Success for me is giving meaning to what I do. This means, if I love teaching, I become a teacher. If I like art, I teach art subjects," she says, adding that success also means having positive mental health.

Ms Halimah, who is single, currently has a Diploma in Graphic Design from the Nanyang Academy of Fine Arts (NAFA) and a Diploma in the Teaching of Art from the National Institute of Education (NIE).

The BA(Hons) Fine Arts, which she is currently pursuing full time, is expected to be completed in August 2024.

With an interest in both fine art in sculpture, as well as digital art, she goes to campus almost every day to attend lectures and classes from 10am which sometimes continues until 5pm. She would then do her own studying until six in the afternoon or seven in the evening.

Ms Halimah, who plans to return to teaching after graduation, hopes that the knowledge gained from her further studies can benefit those around her such as her students and others who are interested in drawing.

"I find this pandemic has further increased my desire to continue my studies, and made me think, if not now, when? I just want to learn and improve myself and develop the skills I have," she says.